

USUL UCAPAN TAHNIAH DAN IKRAR TAAT SETIA
KEPADA D.Y.M.M. SERI PADUKA BAGINDA YANG
DI PERTUAN AGONG, DI ATAS PERLANTIKAN
BAGINDA SEBAGAI YANG DI PERTUAN AGONG
OLEH Y.A.B. PERDANA MENTERI DATO HUSSEIN ONN
DI DEWAN RAKYAT PADA HARI ISNIN 13.10.1980

Tuan Yang Di Pertua,

Saya, bagi pihak Kerajaan, dan dengan amat sukacitanya,
mengemukakan Usul seperti berikut:

" Bahawa satu Ucapan yang tidak sepatunya-
dipersembahkan Kebawah Duli Yang Maha Mulia,
Seri Paduka Baginda, Sultan Haji Ahmad Shah
Al-Musta'in Billah ibni Al-Marhum Sultan
Abu Bakar Ri'Ayatuddin Al-Mu'Adzam Shah,
Yang di Pertuan Agong --

Memperssembahkan suatu ucapan setinggi-tinggi
tahniah Kebawah Duili atas pemilihan Kebawah Duli
menyandang jawatan Yang di Pertuan Agong;

Melafazkan ikrar taat setia Dewan ini kepada
Duli Yang Maha Mulia Seri Paduka Baginda, dan
Dewan ini yakin dengan izin Allah, dengan
pemilihan Baginda itu, Malaysia akan menempuh
zaman yang bertambah-tambah makmur, aman
sentosa selama-lamanya.

TuanYang Di Partua,

2. Berikutan dengan kemangkatan Duli Yang Maha Mulia Seri Paduka Baginda, Tuanku Yahaya Petra ibni Al-Marhum Sultan Ibrahim, Tuanku Haji Ahmad Shah Al-Musta'in Billah telah dipilih dan dilantik oleh Duli-Duli Yang Maha Mulia Raja-Raja, untuk menaiki Tahta Kerajaan sebagai Raja Memerintah bagi seluruh negara Malaysia, dan sebagai Yang di Pertuan Agong yang ketujuh. Seri Paduka Baginda telah ditabalkan pada 10hb Julai tahun ini.

3, Kuasa, tanggungjawab, kedaulatan dan k'ebesaran Seri Paduka Baginda adalah termaktub di dalam Perlembagaan Persekutuan. Baginda adalah teras pemerintahan Beraja dan Berparlimen. Baginda adalah juga lambang kedaulatan dan perpaduan negara.

4. Negara kita sedang menghadapi berbagai cabaran yang memerlukan taat setia yang tidak berbelah bagi daripada rakyat, Persefahaman dan perpaduan rakyat berbilang kaum, dari segenap lapisan masyarakat, adalah menjadi satu harapan dan matlamat negara. Usaha-usaha pembangunan negara yang dijalankan, adalah dengan tujuan untuk mencapai matlamat itu. Taat setia dan perpaduan adalah juga benteng yang amat kuat, untuk menghadapi ancaman-ancaman dan musuh-musuh dari dalam dan luar negara.

5. Dewan ini merasa bangga di atas perlan Raja Memerintah yang berpengalaman luas, yang boleh memberi pimpinan dan panduan yang bijaksana, dan Dewan ini mengucapkan setinggi-tinggi tahniah kepada Seri Paduka Baginda di atas plantikannya itu. -Dewan ini juga menyembahkan ikrar taat

setianya kepada Seri Paduka Baginda. Marilah kita berdoa semoga dalam masa pemerintahan Seri Paduka Baginda, negara kita Malaysia akan dilimpahi rahmat, kemakmuran dan kesejahteraan. Amin yarabbil A'lamin.

Tuan Yang Di Pertua, saya mohon mencadangkan.



No. Siri	503
No. Penerimaan	107/81